

594

Vlyssis Aldrouandi

DE OSTRACITE. Cap. VII.

Æ Q V I V O C A.

L.37.c.10.

Hæmatitis
species.



VIVS lapidis historia hunc locum promeruit; cum fractus aliquando plures Ætitas complecti videatur. Sed aduertendum est, hoc nomine multa ab Authoribus significari. Plinius quamdam gemma speciem Ostracitem, sive Ostraciam indigtauit: immò duas species nominare videtur his verbis. *Ostracias*, sive *Ostracites* est *tegacea durior*, alia *Achates similis*, nisi quod *Achates* politura pingue scit. Hæc autem Plinius verba à veritate non multum aliena esse existimamus: quandoquidem Gemmarius quidam Gefnero monstrauit gemmam hoc nomine insignitam, refertam colore Indic saturatissimi, ita duram, ut alias gemmas incideret. Gemmarius hanc magni pretij prædicabat, & maioris pretij esse aliam existimabat, cui aliquid coloris auri est immixtum, Præterea in Rerum natura inuenitur quædam Hæmatitis species, quæ, cū Ostraciti Dioscordis assimiletur, ab aliquibus Authoribus Ostracites appellatur. Quinimò Plinius Ostracitem etiam vocavit, illam Cadmiæ speciem, quæ nigra, & cæterarum sordidisima est.

Amplius si natura ludens aliquem lapidem ad formam Ostrei producit, talis etiam lapis ab Authoribus Ostracites nominatur. Sed de lapidibus huius generis in primo Capite huius libri fusè actum fuit. Immò aliquod etiam genus Ostri, quod, tractu temporis, in lapideam naturam transmutatur, Ostracites dicitur, & Ostreum hoc nomine insignitum, & petrificatum communicatum fuit doctissimo Vlyssi Aldrouando cum armatura dura, lapidea, colore cinereo; item & aliud materia coralli decoratum, & Ostracites Coralloides dicebatur. Huius etiam generis fuit Ostracites purpureus cum cancelllo annexus, veluti in hac tabella ostenditur.

Ostracites cum cancelllo.



At

